

UNIVERZITET U SARAJEVU  
ELEKTROTEHNIČKI FAKULTET U SARAJEVU

Broj: 04-1-4382/16  
Sarajevo, 05.12.2016. godine

Na osnovu čl. 48. stav (1) i 124. stav (2) Zakona o visokom obrazovanju ("Službene novine Kantona Sarajevo", br. 42/13 – prečišćeni tekst i 13/15), čl. 92. i 116. stav (3) Statuta Univerziteta u Sarajevu, člana 8. stav (7) Pravila studiranja za treći ciklus studija na Univerzitetu u Sarajevu (broj: 0101-38-276/11 od 29.12.2010. godine) i prijedloga prodekana za naučnoistraživački rad Elektrotehničkog fakulteta u Sarajevu broj: 02-4-3992/16 od 04.11.2016. godine, Vijeće Elektrotehničkog fakulteta u Sarajevu na 19. redovnoj sjednici održanoj 05.12.2016. godine, donosi

ODLUKU

o organizaciji i toku studiranja na trećem ciklusu studija – doktorskom studiju na Elektrotehničkom fakultetu u Sarajevu

I

Ovom odlukom utvrđuje se organizacija i tok studiranja na trećem ciklusu studija – doktorskom studiju na Elektrotehničkom fakultetu u Sarajevu, u cilju preciziranja bližih uvjeta, realizacije i izvođenja trećeg ciklusa studija – dokorskog studija, temeljem Nastavnog plana i programa (studijskog programa) trećeg ciklusa studija – dokorskog studija na Elektrotehničkom fakultetu u Sarajevu.

II

Organizacija i tok studiranja na trećem ciklusu studija – doktorskom studiju na Elektrotehničkom fakultetu u Sarajevu, utvrđen je na način kako slijedi:

1. Uvjet za upis u drugu godinu dokorskog studija su položena četiri ispita iz predmeta prve godine studija. Uvjet za upis u treću godinu dokorskog studija su položeni svi ispiti (šest) i odbranjena prijava prijedloga teme doktorske disertacije (projekta).
2. Student trećeg ciklusa studija – dokorskog studija podnosi Vijeću dokorskog studija za odgovarajuću oblast studija, molbu za vrednovanje objavljenih, odnosno prihvaćenih radova iz oblasti doktorske disertacije sa ECTS studijskim bodovima – kreditima, u postupku sticanja naučnog stepena doktora nauka.
  - a) Vijeće Elektrotehničkog fakulteta u Sarajevu na prijedlog Vijeća dokorskog studija donosi odluku o priznavanju objavljenih radova iz oblasti doktorske disertacije i vrednovanju sa određenim brojem ECTS studijskih bodova – kredita.
  - b) Objavljeni radovi boduju se sa ukupno 30 ECTS studijskih bodova – kredita, i to: u prvom semestru 14, u drugom 14 i u trećem semestru 2. Objavljeni radovi se trebaju temeljiti na naučnoistraživačkom radu u toku cjelokupnog dokorskog studija, uključujući i rezultate naučnoistraživačkog rada u toku izrade doktorske disertacije.
  - c) Za studente koji se upisuju na prvu godinu trećeg ciklusa studija, nakon prikupljenih 30 ECTS studijskih bodova – kredita po osnovu objavljenih radova, Vijeće Elektrotehničkog fakulteta u Sarajevu donosi odluku o raspodjeli ukupnog broja ECTS studijskih bodova – kredita po pojedinim semestrima studija na način kako je utvrđeno Nastavnim planom i programom.

- d) Na osnovu odluke Vijeća Elektrotehničkog fakulteta u Sarajevu o ostvarenim ECTS studijskim bodovima – kreditima za objavljene radove, vrši se upis istih u matičnu knjigu upisanih studenata, indeks studenta, te aplikacije ISSS i ZAMGER.
3. Centralna komponenta doktorskog studija u cjelini, a time i izrade doktorske disertacije je naučnoistraživački rad. Naučnoistraživački rad na izradi doktorske disertacija se vrednuje sa ukupno 90 ECTS studijskih bodova – kredita i to:
- a) Priprema radne verzije doktorske disertacije vrednuje se sa 30 ECTS studijskih bodova – kredita;
  - b) Prezentacija radne verzije doktorske disertacije vrednuje se sa 30 ECTS studijskih bodova – kredita. Student trećeg ciklusa studija – doktorskog studija je obavezan prije predaje radne verzije doktorske disertacije na ocjenu imati kao prvi autor objavljen ili prihvaćen za objavljivanje najmanje jedan rad u časopisu indeksiranom u CC (Current Contents), SCI (Science Citation Index) ili SCI Expanded bazama podataka, tematski vezan za doktorsko istraživanje. Objavljivanjem najmanje jednog rada u časopisu koji je indeksiran u prethodno navedenim bazama podataka potvrđuje se naučni doprinos doktorske disertacije. Osim toga, student trećeg ciklusa studija – doktorskog studija je obavezan kao prvi autor prezentirati i objaviti najmanje jedan rad u zborniku radova međunarodne konferencije koji je indeksiran u relevantnim bazama podataka koje su usvojene na Elektrotehničkom fakultetu u Sarajevu.
  - c) Odbrana doktorske disertacije vrednuje se sa 30 ECTS studijskih bodova – kredita.
4. Konačan uspjeh studenta nakon vrednovanja objavljenih radova, pripreme i odbrane prijedloga teme doktorske disertacije (projekta), pripreme radne verzije doktorske disertacije, prezentacije radne verzije doktorske disertacije i odbrane doktorske disertacije, vrednuje se i ocjenjuje sistemom uporedivim sa ECTS sistemom, kako slijedi:
- a) Objavljeni radovi – ispunio obaveze, a ECTS ocjena je I – O;
  - b) Priprema i odbrana prijedloga teme doktorske disertacije (projekta) – ispunio obaveze, a ECTS ocjena je I – O;
  - c) Priprema radne verzije doktorske disertacije – ispunio obaveze, a ECTS ocjena je I – O;
  - d) Prezentacija radne verzije doktorske disertacije – ispunio obaveze, a ECTS ocjena je I – O;
  - e) Odbrana doktorske disertacije – ispunio obaveze, a ECTS ocjena I – O.
5. a) Kandidatima koji su stekli naučni stepen magistra nauka prije uvođenja Bolonjskog sistema trocikličnog studija iz oblasti za koje se organizira treći ciklus studija na Elektrotehničkom fakultetu u Sarajevu, priznaje se 60 ECTS studijskih bodova – kredita, te se istima odobrava upis na drugu godinu trećeg ciklusa studija – doktorskog studija. U indeks, matičnu knjigu upisanih studenata na trećem ciklusu studija i dodatak diplomi studenta upisuje se: „*priznaje se 60 ECTS studijskih bodova po osnovu prethodnog obrazovanja i stečenog naučnog stepena magistra nauka prije uvođenja Bolonjskog sistema studija.*“.
- b) Ukoliko je kandidat naučni stepen magistra nauka stekao prije uvođenja Bolonjskog sistema trocikličnog studija na drugoj visokoškolskoj ustanovi iz oblasti koje su relevantne za oblast iz koje se organizira studij na trećem ciklusu na Elektrotehničkom fakultetu u Sarajevu, Vijeće Elektrotehničkog fakulteta u Sarajevu razmatra sadržaj studijskog programa prema kojem je kandidat stekao naučni stepen magistra nauka prije uvođenja Bolonjskog sistema trocikličnog studija i kada utvrdi dovoljan stepen uporedivosti, kandidatu se priznaje 60 ECTS studijskih bodova i odobrava upis na drugu godinu trećeg ciklusa studija – doktorskog studija. Odluku o odobrenju upisa donosi Vijeće Elektrotehničkog fakulteta u Sarajevu. U indeks, matičnu knjigu upisanih studenata na trećem ciklusu studija i dodatak diplomi studenta upisuje se: „*priznaje se 60*

*ECTS studijskih bodova po osnovu prethodnog obrazovanja i stečenog naučnog stepena magistra nauka prije uvođenja Bolonjskog sistema studija i odluke Vijeća Elektrotehničkog fakulteta u Sarajevu broj: ... od ..... godine.“.*

### III

Stupanjem na snagu ove odluke, prestaje da važi Odluka o organizaciji i toku studiranja na trećem ciklusu studija – doktorskom studiju na Elektrotehničkom fakultetu u Sarajevu broj: 04-1-118/15 od 09.01.2015. godine i Odluka Vijeća dokorskog studija Elektrotehničkog fakulteta u Sarajevu broj: 04-6-6366/14 od 08.12.2014. godine.


### IV

Odluka stupa na snagu danom donošenja, a primjenjuje se od početka studijske 2016/2017. godine na trećem ciklusu studija – doktorskom studiju.

Studenti koji su upisali treći ciklus studija – doktorski studij prije stupanja na snagu ove odluke, a koji nisu prekidali studij, obavezni su ispuniti uvjete za pokretanje postupka ocjene radne verzije doktorske disertacije po tada važećim propisima.

DEKAN

Prof. dr Samim Konjicija



Dostaviti:

1. Dekan
2. Prodekan za naučnoistraživački rad
3. Vijeće dokorskog studija (4x)
4. Studentska služba
5. Pravna služba
6. Web stranica
7. Uz zapisnik
8. a/a